



Branchen a Branchenunitéiten

1. Branchen

- 1.1. D'Erzéiungsmethod vun de Lëtzebuurger **Guiden a Scouten** gëtt entspriechend dem Alter vun hire Memberen ugewand. (...)

Duerfir faasst de Verband d'Guiden an d'Scouten an altersspezifische Branchen zesummen. (cf Art. 1.3.3. vun de Statuten)

- 1.2. D'Branche "Biber" begräift d'Meedercher an d'Jonge vu 6 bis 8 Joer, déi op d'mannst am 1. Schouljoer sinn.

D'Branche "Wëllefcher" begräift d'Meedercher an d'Jonge vun 8 bis 11 Joer.

D'Branche "AvEx" (Aventure/Explorer) begräift d'Meedercher an d'Jonge vun 11 bis 14 Joer.

D'Branche "CaraPio" (Caravelle/Pionéier) begräift d'Meedercher an d'Jonge vu 14 bis 17 Joer.

D'Branche "RaRo" oder "Route" (Ranger/Rover) begräift d'Meedercher an d'Jonge vu 17 bis 23 Joer.

- 1.3. D'Method, no där déi verschidde Branchë schaffen, gëtt vun der betr. Branchenéquipe am Averständnes mat dem Verbandscomité festgesat.

2. Branchenunitéite vum Grupp

- 2.1. E Grupp begräift eng oder méi Branchenunitéite vun deene verschiddeenen Altersstufen.
(cf Art. 3.2. vun de Statuten)

- 2.2.. D'Biber ginn zesummegefaasst an enger Biberfamill ënner der Leedung vun engem/enger Biberchef/taine a sengen/hiren Assistenten.

- 2.3. D'Wëllefcher ginn zesummegefaasst an engem Ruddel ënner der Leedung vun engem Akela a sengen Assistenten.

- 2.4. D'AvEx ginn zesummegefaasst an enger AvEx-Trupp ënner der Leedung vun engem/enger Truppechef/taine a sengen/hiren Assistenten.

- 2.5. D'CaraPio ginn zesummegefaasst an enger CaraPio-Trupp ënner der Leedung vun engem/enger Truppechef/taine a sengen/hiren Assistenten.

- 2.6. D'RaRo ginn zesummegefaasst an engem Clan ënner der Leedung vun engem/enger Clanchef/taine a sengen/hiren Assistenten.

3. Schlussbestëmmung

Dëst Reglement ersetzt d'Reglement N° 14 vum 17.4.1997.